

EL MI CANZUNÈTT



È SAN MICHEL,
LA CÀ
E LA RÀTA D'AFFETT

Parole e Musica di

CARLO MUSI

(Simulacro.)



F. BONGIOVANNI - EDITORE - BOLOGNA

*Proprietà per tutti i paesi
1939 - XVIII*

(Made in Italy)

(Imprimé en Italie)

E'l San Michel, la cà e la rata d'affett!

*Maledètt la bulètt! A se sgôba a se sgôba
sèinza mai pssèir ariussir d' far bona figura con
chi ha d'avèir. Per me l'è una cosa ch' em mett
int un pensir grand, perchè*

A mument a sèin a Mazz
Anca me 'm tòcca d' far viazz,
S' an poss brisa truvar casa
Andarò, bèin ch'an n' om piasa,
Sòtta al pordgh dèl Baraccan.

*E d'altronde, chi n' ha còulpa? Andar a zer-
car di sit l'è un affar seri! As seint del pison
ch' fan pora! A s' in trova da spènder poch, basta
adattars andur zò d' strà.*

Mi mujer l' ha sintò a dir
Che tra lè int' el Bòurg d' san Pir
A j' è un sit, una caslazza
Chi la ciamen la purtazza
Perchè a j sta treint' anquilein!

*Immazinars che rototollia! Soul i ragazzù ch'a
i srà! Una gattara d' inferen! E po la spurchisia,
l' umdità... èl gèner po di sit n' in dscurrèin:*

Una stanza dri 'l granar
Sèinza fuga e sèinza stiar,
A trar l' acqua a s' va in canteina,
E po' i manca la cuseina
A s' fa fugh in mèzz ed cà!

*Fam mo 'l piassèir, ch' strazz d' un lacurir!
Me voi dmandar com s' ha da far per curs' un po'
d' mnèstra? Bisugnarev mettr' un furnèll dri alla
fnèstra e po lassarla avèta anch' all' inveren chi
n' vol murir asfissia!*

Quèll ch' è comod l' è l'affett,
Ch'a n' importa far i scrett,
Basta dari un tant la stmana
E chi fess dla dirlindana
As pol dari un tant al dè!

*Meno male! L'è un' usanza ch' al l' ha anch' èl
padròn dov a stagh adès, al qual, puvrazz, al
s' cuntèinta d' quèll ch' si dà. E d' altronde a*

*manch! Dcò dta stmana s' a s' ha da far el part ed
san Zvann: tû te, tû te, tû te, an v' avanza gnanch
d' andar a bèvr' un quintèin! Basta dir che*

Con tutt quèst al mèis passà
El padròn, inaspettà,
Al m' arriva una matteina,
Dòpp svultà la pulinteina
Col putacc' ed baccalà,

*e int' èl mumeint an savè coss' em dir! Al pars un
calzèider d' acqua ch' m' arrivass zò per la còppa!
Mittiv in mèint ch' l' era zò diversi volt ch'a j im-
prumitteva sèinza mai mantgnir, stavolta per cam-
biar ai dess quèll ch' em veins a la bòcca:*

S' al cherdess ed favurir,
Ecco quèll ch' a j poss uffrir,
Di quattrein gnanch mèzza lira,
S' al vol d' quèsta l' è vluntira
Ch' al la toja pr' un accònt!

*Int' èl mumèint l' arstò un poc insmè, forsi
perchè al pensava alla buffisia d' ufferta, tant che
tutt int' una volta am credd ch' al voja tor èl dū
d' còpp, invez a vèdd ch' al tol una scranna e al
s' mett a seder per farum cumpagnì a magnar la
pulèint:*

E difatti a s' in magnò
Si, sètt fètt e forsi piò;
E po' dòpp am fè l' arzvuda
« Per polenta quasi cruda
Luvigino Sparadèll ».

*A vèdder una franchèzza acsè la fo una cossa
ch' em consulò tant che da per me a teins dir: Mal
ch' l' as vada, a j deggh ch' al vegna tutt i dè, acsè
sèinza adarmen a finess ed pagar la rata d'affett.*

E po' a sper che in ql' altra cà
An srò brisa sèimper zò,
E d' Agòst, per la Madòna,
A voj far figura bõna
E pagar al dè prezis!

EL SAN MICHEL, LA CÁ E LA RÁTA D'AFFÉTT

Parole e Musica di C. Musi

SOST.^o Assai

A mu -
_mein - ti a séin a Mazz an - ca me m'tóc - ca d'far
viazz an - da -- ró bérn chá n'óm pia - sa S'an poss
mai at - tru - var ca - sa
Sót - ta al pordgh dél Ba - rac - can